

# Zakovat. May oyining 2-tur bahslari o'tkazildi

O'zbekiston davlat san'at va madaniyat institutida Yoshlar bilan ishlash, ma'naviy va ma'rifat bo'limi hamda Yoshlar ittifoqi boshlang'ich tashkiloti tomonidan "Zakovat" intellektual o'yinining may oyidagi 2-tur bellashuvi o'tkazildi.

Unda to'rtta fakultetdan to'rtta jamoa ishtirok etdi.

Amaldagi g'olib – Kino, televideniye va radio san'ati fakulteti hamon yetakchilikni hech kimga bermayapti.











---

## **0‘zDSMI rektori v.b. Eldor Shermanovning Farg‘ona filialiga tashrifi**

Bugun O‘zbekiston davlat san‘at va madaniyat instituti rektori v.b. Eldor Shermanov oliygohning Farg‘ona mintaqaviy filiali faoliyati bilan tanishdi.

Uchrashuvda E. Shermanov filialning fidoyi va faxriy ustozlari bo‘lgan O‘zbekiston xalq artistlari Shafokatxon Rahmatullayeva,

Yorqinoy Hotamova, O'zbekistonda xizmat ko'rsatgan artist Xursanoy Umarova hamda "Teatr san'ati" kafedrası professori Shamsiddin Usmonovlarni beminnat xizmatlari uchun katta minnatdorchilik bildirdi va esadalik sovg'alarini topshirdi.

Eldor O'ralovich muassasada talabalarning ta'lim olishlari, bo'sh vaqtini mazmunli o'tkazish, sport bilan shug'ullanishlari uchun yaratib berilgan sharoitlar bilan ham tanishdi.

Eldor Shermanov o'z so'zida oliygohimizning ilmiy salohiyatini yil yakuniga qadar yuqori reytinglarga olib chiqish, xalqaro hamkorlik aloqalarini yanada rivojlantirishda amaliy ishlarni tashkil qilish bo'yicha o'z tavsiyalarini berib o'tdi.
















## **0‘zDSMI rektori v.b. Eldor Shermanov talabalar bilan dars mashg‘uloti o‘tkazdi**

Shu kunlarda oliy ta‘lim muassasalari rektorlari akademik faolliklarini oshirish, shu bilan birga yoshlarga motivatsiya berish maqsadida talabalarga dars o‘tishmoqda.

Xususan, O‘zbekiston davlat san‘at va madaniyat instituti rektori v.b. Eldor Shermanov “2022-2026-yillarga mo‘ljallangan Yangi O‘zbekistonning Taraqqiyot strategiyasi” mavzusida Xalq ijodiyoti fakulteti “Madaniyat va san‘at muassasalarini tashkil etish va boshqarish” ta‘lim yo‘nalishi 2-bosqich talabalariga ma‘ruza o‘qidi.

Unda bugungi kunda mamlakatimizda olib borilayotgan islohotlar, shuningdek, strategiyada belgilab olingan sohaga doir vazifalar dolzarbligi hamda uning ijrosi haqida to'xtalib o'tildi.









---

# Inson aziz, xotira muqaddas

O'zbekiston davlat san'at va madaniyat institutida Xotira va qadrlash kuniga bag'ishlangan tadbir o'tkazildi.

Teatr san'ati hamda Kino, televideniye va radio san'ati fakultetlari hamkorligida o'tkazilgan tadbirda kafedra o'qituvchilari hamda oliygohning iqtidorli talabalari o'z chiqishlari bilan tomoshabinlar e'tirofiga sazovor bo'ldi.

Avvalroq 9-may – Xotira va qadrlash kuni munosabati bilan O'zbekiston davlat san'at va madaniyat instituti jamoasi xotira maydoniga tashrif buyurib, vatan tinchligi va kelajak avlodning nurlu istiqboli yo'lida jon fido qilgan qahramonlar jasorati va porloq xotirasiga hurmat bajo keltirgani haqida xabar berilgandi.










## **Zakovat. May oyining 1-tur bahslari o'tkazildi**

O'zbekiston davlat san'at va madaniyat institutida Yoshlar bilan ishlash, ma'naviy va ma'rifat bo'limi hamda Yoshlar ittifoqi boshlang'ich tashkiloti tomonidan "Zakovat" intellektual o'yinining may oyidagi 1-tur bellashuvi o'tkazildi.

Unda to'rtta fakultetdan to'rtta jamoa ishtirok etdi.

Amaldagi g'olib – Kino, televideniye va radio san'ati fakulteti hamon yetakchilikni hech kimga bermayapti.













---

# **Turkiya oliy ta'lim muassasasi bilan keng qamrovli hamkorlik**

Bugun O'zbekiston davlat san'at va madaniyat instituti hamda Turkiyaning Kojaeli universiteti rahbariyati uchrashdi.

Tomonlar ta'lim va fan sohasida do'stona munosabat va hamkorlikni mustahkamlash borasida kelishuvga erishdi.



Hamkorlik doirasida o'qituvchi va tadqiqotchilar almashinuvi, qo'shma ilmiy loyihalar, jumladan, konferetsiya, uchrashuv, seminarlar tashkil etish kabi vazifalar bajarilishi belgilandi.

Shuningdek, o'quv, ilmiy va uslubiy adabiyotlar almashinuvini yo'lga qo'yish, birgalikda tadbirlar tashkil etish, ta'lim va ilmiy-tadqiqot bo'yicha tajriba almashish masalalari muhokama qilindi.



Muzokara so'ngida ikki oliy ta'lim muassasasi o'rtasida yuqorida ta'kidlangan vazifalarni o'z ichiga olgan hamkorlik memorandumi imzolandi.

## **Baxshichilik festivaliga tayyorgarlik avjida**

Xabaringiz bor, 6-8-may kunlari Sirdaryo viloyatining Guliston shahrida xalqaro baxshichilik san'ati festivali o'tkaziladi.

Ayni vaqtda O'zbekiston davlat san'at va madaniyat instituti rektori v.b. Eldor Shermanov Sirdaryo viloyatiga tashrif buyurib, mazkur festivalga tayyorgarlik jarayoni bilan

bevosita tanishmoqda.

Eslatib o'tamiz, festivalga 1500 nafardan ortiq ijodkor jalb etilgan. Shu bilan birga, 40 dan ortiq xorijiy davlat va xalqaro tashkilotdan baxshichilik san'atiga doir 30 nafardan ziyod musiqa ijrochi ishtirok etadi.

Anjuman yakunida ko'rik-tanlov g'oliblari va sovrindorlarini tantanali taqdirlash marosimi hamda gala-konsert namoyish etiladi.

Xalqaro festival g'olib ishtirokchilarini rag'batlantirish maqsadida esa bu gal ham AQSH dollarida pul mukofotlari ajratilgan bo'lib, Gran pri sohibiga 7000 AQSH dollari, 2 ta yo'nalishdagi 1-o'rin sohibi uchun 10.000 AQSH dollari, 3-o'rin egalariga 3.500 AQSH dollari ajratilgan.

Shuningdek, eng yaxshi selfi, fleshmob kabi yo'nalishlaridagi xalqaro festivalning eng yaxshi targ'ibotchisi bo'lgan matbuot xodimlari ham pul mukofoti bilan taqdirlanishi kutilmoqda.













---

## **Ilmiy jurnallarda maqola chop etish bo'yicha trening**

Bugun O'zbekiston davlat san'at va madaniyat instituti axborot-resurs markazida Iqtidorli talabalarning ilmiy tadqiqot faoliyatini tashkil etish bo'limi tomonidan Ilmiy jurnallarda maqola chop etish bo'yicha trening bo'lib o'tdi.

Mazkur seminarda soha mutaxassislari, respublika tanlovlari g'olib va sovrindorlari hamda ilmiy maqolalari ko'pgina xorijiy jurnallarda chop etilgan iqtidorli talabalar tomonidan ilmiy maqola tasnifi, yozish uslubi, xalqaro elektron

jurnallardan to'g'ri foydalanish, yuqori reytingga ega jurnallarda maqola chop etish borasidagi fikrlari bilan o'rtoqlashdi.

Trening davomida talabalar o'zlarini qiziqtirgan savollarga javob olishdi.









